

咸

賓

錄

咸賓錄西夷志卷之三

明豫章羅曰聚尚之父著

哈密

哈密西域諸胡往來入貢要路也在漢時爲伊吾廬地昔漢明帝征匈奴取伊吾廬以爲屯田西域遂通蓋其地高腴宜五谷桑麻蒲桃故漢數與匈奴爭車師伊吾以制西域焉及明帝崩焉耆龜茲攻沒都護陳陸匈奴車師復圍戊巳校尉章帝不欲疲敝中國以事夷狄乃迎還戊巳校尉不復遣都護罷屯田以故伊吾遂爲匈奴有矣後班超定西域復得故伊吾

地鄧太后時西域畔超子班勇往平之於是龜茲等
十七國皆來服從漢以伊吾傍近西域匈奴資之以
爲鈔暴復令開設屯田如永元時事置伊吾司馬一
人統之隋初商胡雜居有勝兵千餘人附於鐵勒人
甚驍悍厥田良沃隋末內屬置伊吾郡屬天下亂又
臣突厥唐貞觀初以頡利破滅遂舉其屬七城來降
因裂其地爲西伊州自是遂爲唐郡縣矣至石晉時
其地爲仲雲所據仲雲者小月氏之遺種也其人勇
而好戰瓜沙之人皆憚之晉遣高居誨使于闐經其
地仲雲遣宰相都督等官候迎云牙帳居胡盧磧者

其地也宋王延德使高昌歷伊州地州將陳氏其
先自唐開元初領州凡數十世唐時詔勅尚存蓋舊
非都城無君長名號可紀故諸史無伊吾傳云元末
族屬威武王安克帖木兒居之我朝永樂四年哈
密遣使入貢詔封安克帖木兒子脫脫為忠順王賜
以金印所統有回回畏兀兒哈刺灰三種各以其酋
目為都督佐之并前洪武時所設關外衛共有七衛
曰哈密曰安定無城郭地廣千里曰阿端分安定地俱洪武八年置曰赤
斤蒙古永樂二年置古月氏地也曰曲先永樂四年置曰罕東曰罕東
左二衛皆洪武三十年置地在沙州其國勢極弱俱在嘉峪關西而哈密又

在六衛西東去肅州西去土魯番各千五百里北至瓦剌數百里凡西域天方等三十八國貢使至者咸置哈密譯文具聞乃發脫脫卒三傳而孛羅帖木兒嗣尋爲其臣下所殺王母努溫答力王國事嚴毅有威國人畏服有謀弑之者見其面則戰慄失措劒器皆墮成化中土魯番酋長阿力調其衆掠赤斤蒙古不從恚卽以兵劫王母及金印去哈密及三種夷無王遂散居苦峪諸山谷或歸附居甘肅州亦有隨土魯番去者甘州守臣上其事遣通政劉文高陽伯李文往經略之竟不能得其要領而還甘肅守臣乘間

誘以王母甥罕慎襲王哈密時阿力死阿黑麻代之
罕慎貪而殘失衆心弘治初阿黑麻挾詐殺罕慎據
其城上言罕慎非王裔請自王哈密馬文升議不許
言非得元之遺裔不足以攝服諸番因命通事於諸
番中訪忠順裔派得王侄陝巴上聞遂封陝巴忠順
王主國事未幾阿黑麻復虜陝巴及金印去時兵侍
張海以經略哈密在嘉峪關外表言請閉嘉峪關絕
西域貢令諸夷歸怨阿黑麻而馬文升亦同此議乃
西域諸夷怨朝廷賞賜大減又沮其由海道貢獅子
反相率從阿黑麻阿黑麻遂復入哈密自稱汗大

掠罕東諸夷已而阿黑麻西去留其將牙木蘭守哈
密精兵不過四百騎撫臣許進帥臣劉寧謀知之乃
用馬文升議效陳湯故事以副總兵彭清率番漢兵
三千襲破哈密牙木蘭遁去

詳見許襄毅公平番始末

無何阿黑

麻送回陝巴及金印而陝巴復故封陝巴卒子拜牙
立時阿黑麻亦卒其子滿速兒立乃令其酋目火者
他只丁襲破哈密逐拜牙而以數萬騎掠我肅州兵
備陳九疇構瓦剌達兵掠土魯番頗有斬獲而兵尚
王瓊中傷之遂下九疇詔獄未幾復起巡撫甘肅滿
速兒入寇九疇奮勇力戰土魯番大敗頃之九疇竟

爲瓊中傷論戍而拜牙勢窮從土魯番其回回畏兀
兒哈剌灰三部亦皆歸附於是兵尚胡世寧上言哈
密諸族已自歸土魯番餘入居肅州者已久欲驅之
出不可也然則哈密將安興復哉卽求其嫡派立之
誰與爲守不如開嘉峪關置哈密不問會尚書桂萼
議亦同朝廷從之時王瓊發兵境上土魯番稍却又
爲瓦剌所攻不獲爲寇至嘉靖初滿速兒遣使同天
方諸國通貢然哈密不復城而金印失矣其地自陝
西蘭州渡河千五百里至肅州肅州西七十里爲嘉
峪關關外並稱西域而陝西以南直四川抵雲南徼

外竝稱西番其關之最西則為哈密俗獷悍好利居

性土房諸夷雜處故衣服異制飲食異宜其山川天

山一名雪山房過馬驤山有望鄉嶺嶺上合羅川乃

居此者皆下馬拜產鎮鐵有自然花紋價直過四味

木其實如棗以竹刀則甘鐵刀則大尾羊尾重者三

斤肉如能野蚕綿絲可為綿帛為奇

高昌

高昌即火州以其地勢高敞物產昌盛故名高昌又

山色如火天氣常熱故亦名火州本漢車師前王故

地所謂交河城是也西域長史戊巳校尉竝居焉其

地有漢時高昌壘故以爲國號晉以其地爲高昌郡
呂光張軌沮渠蒙遜據河西皆置太守以統之魏世
祖時有闕爽者自稱高昌太守尋爲沮渠無諱奪據
之無諱死其地又爲蠕蠕所并立闕伯周爲王高昌
之稱王自此始也伯周歿子義成立其從兄首歸殺
義成篡之首歸又爲高車王阿伏至羅所殺尋爲張
孟明馬儒相繼王之俱爲國人所害遂共推馬儒長
史麴嘉爲王會噉噉破焉耆焉耆衆不自立請王于
嘉嘉以第二子爲焉耆王高昌由是始大元魏時朝
貢不絕俗好書故遣使奉表自以邊遐不習典誥求

借五經諸史并請國子助教劉燮以爲博士許之嘉
歿子堅立梁武帝時遣使貢羊刺密上遣杰公迓之
公曰平城羊刺無葉密色明白而味甘鹽城羊刺
葉大密色青而味薄是密乃鹽城產者詢之使者果
如其言頃之獻鳴鹽枕蒲桃良馬毳毼等物隋開皇
中突厥破其四城有二千人來歸中國時堅歿子伯
雅立以大業五年來朝從擊高麗還隋以宇文氏女
華陽公主妻之唐武德中遣使獻狗雌雄各一高六
寸長尺餘性甚慧能牽馬銜燭云生佛秣中國始有
佛秣狗矣貞觀初其王文泰來朝文泰伯雅子也後

與西突厥連結諸國朝貢者路出高昌文泰稍壅絕之太宗下詔讓其反覆遣使李道裕往問狀文泰遣使謝太宗引使責而王數年朝貢不入無藩臣禮我使人往文泰猥曰鷹飛于天雉竄于蒿猫遊于堂鼠安于穴各得其所豈不快耶明年當發兵以擊而國而王善自圖尋復諭入朝文泰稱疾不至乃遣將侯君集薛萬契苾何力牛進達等帥兵討之文泰聞王帥至悸駭無他計發病歿子智盛立君集等以兵薄其城智盛降君集分兵略定凡三州五縣二十二城戶八千口三萬馬四千先是其國人謠曰高昌兵如

霜雪唐家兵如日月日月照霜雪幾何自殄滅文泰
捕謠所發不能得也捷書聞太宗大悅宴羣臣班次
未功赦高昌所部披其地爲西州而置交河天山柳
中蒲昌高昌六縣初西突厥遣其葉護屯兵於可汗
浮屠城與高昌爲影嚮至是懼而來降以其地爲庭
州置蒲類縣時魏徵褚遂良皆諫言宜立高昌人爲
主書上勿納君集遂勒石紀功凱還獻俘徙高昌豪
傑于中國智盛并弟智湛俱封郡公趙氏傳國九世
凡百三十四年而亡智湛有子昭好學有鬻異書者
母顧笥中金歎曰何愛此不使子有異聞乎盡持易

之昭歷司膳卿頗能辭章第崇裕有武藝永徽中爲
右武衛翊府中郎將封交河郡王及安史之亂其地
陷沒復自爲國然其地頗有回鶻故亦謂之回鶻宋
建隆中來貢乾德初西州回鶻可汗遣僧法淵獻佛
牙琉璃器琥珀盞太平興國中其國王師子王遣使
來獻宋遣王延德至高昌會師子王避暑於北庭去
高昌治所千餘里乃邀延德至北庭王及王子侍者
東西拜受賜待延壽甚恭雍熙初延壽還敘其所
言來獻云語詳見宋史中國朝號火州永樂七年
土酋遣人朝貢十二年吏部員外郎陳誠至其國還

言其國風物蕭條市里民居僧堂過半亦皆零落東
荒城故址云古高昌國治自宣德以來或三年五
朝貢不絕其地城東七十里曰柳陳卽唐柳中縣
也西百里曰土魯蕃卽唐交河縣也其人貌類高麗
目深鼻高辮髮後垂衣尚錦繡俗婦人戴油帽
名蘇幕遮有城郭田畜兵器書史婚姻喪葬與華夏同
益其先爲唐朝郡縣故也事天神信佛法字亦有真
艸頗似韃靼亦常僭用回回語音好騎射時節潑水
爲戲地無雨雪每盛暑人皆穴地而居飛鳥羣聚河
濱或起飛則爲日氣所爍墜而傷翼其山川奇秀者

最多有靈山

石其黑紗如毛髮

貪汗山

夏有積雪

火焰山

出礪砂常有刺

氣湧出至夕光燦若火照見禽鼠皆赤

天山

卽祁連山唐天山縣

蒲類海

一名瀚

海

地沙泥五尺大風行者人馬相失

其產羊刺

草也其上生蜜味佳

白疊子

實草

也如藹中有絲絲取穢爲布名曰懸布

砂鼠

鷺禽捕食之

赤白鹽

白者如玉赤者如金

火蚕絲

絮承一襲止用一兩稍過度則炎蒸之氣不可止禁矣

爲奇

土魯番

土魯番亦車師地昔漢武帝遣使通西域樓蘭車師

道苦之攻劫漢使王恢等又數爲匈奴耳目武帝

遂遣趙破奴擊破車師至宣帝時分以爲車師前後

王歷魏晉唐宋皆總屬高昌詳具見高昌志中元屬

長兀兒部我朝永樂二十年吏部陳誠至其國宣
德五年始遣使來貢以後不絕弘治間番酋阿力阿
麻父子擾我西鄙虜我哈密忠順王卽是時專伺
哈密至正德間遂數犯我甘肅語在哈密志中弘正
間土魯番十三人入貢稱王者一人嘉靖初稱王者
十五六人禮部議回勅書宜但稱王一人五年一貢
爲便從之當是時土魯番殘破我嘉峪關外七衛及
城郭諸國地廣人衆非復陳驗封奉使時矣其地峻
壑窮崖天巧奇絕氣候煖少雨雪不生艸木少禽獸
性最好狡西夷諸種不如去哈密千餘里中經黑風

水艸俱乏勢難遠據黠虜之計徒欲挾此以要利耳
人皆屋居土宜麻麥其產瓜菓羊馬之類

睿陳

睿陳古柳中地我朝宣德五年睿陳萬戶瓦赤刺
遣人來貢其地中經大川砂磧無水草牛馬過此輒
死道傍多骸骨有鬼魅行人失侶白日迷亾夷人謂
之旱海西行出流沙河北出火焰山山色如火氣候
煖風俗淳朴居人有回回畏兀兒二種土宜稭麥
麻豆物產惟小蒲桃甘甜無核爲佳

論曰昔漢通西域當時以爲斷匈奴右臂然必得伊

吾柳中車師諸地而後西域可通則哈密高昌之爲
下國利害甚明也我國家封護哈密蓋亦漢帝之
意云及土魯番殘破七衛之後遂議棄哈密開關
紀貢余謂此權宜之術非久安之策也昔漢立都護
匈奴世世稱藩今倘於伊吾車師故地設以督府鎮
以重臣而屯田置員若漢家故事諸夷酋長仍封其
爵第令之受我節制永爲外臣使西戎北虜兩不相
通則邊陲可永無虞而國家之固如盤石矣

撒馬兒罕

撒馬兒罕漢爲罽賓隋爲漕國西域中大國也去嘉

略關萬里漢武帝通西域剽賓自以絕遠漢兵不能
至其王烏頭勞數剽殺漢使者烏頭勞死子代立遣
子奉獻漢使關都尉文忠送其使忠因與其國容屈
王子陰末赴共謀殺剽賓王而以漢印綬立陰末赴
元帝時陰末赴復殺漢使趙德等七十餘人上書貢
謝漢欲遣使者報送其使杜欽上書說王鳳乃止魏
晉以後無聞至元魏復通焉其王都善見城遣使朝
貢在隋更名漕國其王姓昭武字順達康國王之宗
族也國法嚴整其俗淫祠有順天神祠渾以金銀爲
人祠前有一魚脊骨其孔中通馬騎出入大業中遣

人貢方物至唐復名蜀賓王居修鮮城武德中遣使
貢寶帶金鎖水晶頗黎盞貞觀中貢俱物頭花毋紫
間其香遠聞又貢名馬太宗語大臣曰昔魏徵勸
我修文德安中夏令中夏安四夷貢獻皆徵力也乃
遣使厚齎賜其國王使至蜀賓王再拜受命仍遣人
導至天竺貢之獻褥特鼠喙尖尾赤能食蛇螫者嗅
且尿瘡卽愈顯慶三年以其地爲修鮮都督府拜其
王爲修鮮都督開元天寶間屢遣使朝貢獻天文書
及秘方奇藥又獻上清珠光明潔白可照一室視之
有仙人玉女雲鶴之象搖動於其中及代宗卽位寶

庫中往往有神光異氣上令檢出之每有水旱兵革之災禱之無不驗者蓋奇物也宋時未通我朝洪武中國主帖木兒遣使貢駝馬詔厚賜之帖木兒者故元主駙馬也後復貢馬貢海青歷洪武朝凡四遣使奉貢馬而我遣給事傅安郭驥至西域畱撒馬兒罕以其國豐腴偉麗宜居故也永樂初安等還言帖木兒死孫哈里嗣上遣使祭帖木兒賜哈里璽書幣哈里貢謝復遣傅安報使至洪熙元年安始還正統十二年貢玉石成化十九年阿黑麻王貢二獅子夷使請大臣出迎郎中陸容言獅子之爲獸在

效廟不可以爲犧牲在乘輿不可以備馭服理不宜
父禮尚周洪謨亦以爲不可命官出迎詔遣中官迎
獅子日食生羊二醋酣密酪各二瓶官養獅人光
祿日供給馬弘治二年遣使貢獅子夷人所過橫爲
侵擾給事韓鼎上言珍禽異獸非宜狎玩且供費不
貲宜罷遣之未幾廣東布政陳選上言撒馬兒罕使
臣泊六灣貢獅子欲從廣南浮海往滿刺加更市獅
子入貢不可貴異物開海道利賈胡貽笑安南諸夷
三年由南海貢獅子禮官倪岳言南海非西域貢道
請却之自後貢皆從嘉峪關入嘉靖中其國稱王者

五十三人皆遣人入貢地宜五穀王居高廣市肆稠

密頗類中原西南番貨多聚於此其民巧彫文刻鏤

織剎刺文綉尤善治室市易銀錢泥金書經山川景

物頗類中原大抵如漢書所載今其俗尚未改也國

東有養夷國小處孤城沙鹿海牙民依崖谷居頗蕃

為阿魏有細賽籃五穀蕃殖有黑蜘蛛齒人致炙中

達失干地狹人稠宜迭里迷居民僅千百滋畜蕃

諸城皆隸焉其山川曰鐵門峽曰哈剌卜蘭河其

有鬱金香色正黃與芙蓉花相似屬苾思檀樹葉類山茶實

水晶鹽堅明如水晶琢為盤花藥布大尾羊見狻猊

士七日未開目時取之易調習稍長則難馴伏以其
筋爲琴弦一奏餘弦皆斷取一滴乳并他乳同煮
中諸乳瓦矢實香草可辟蠱爲異

曰昔旅葵之訓禽荒之戒龜鑑昭然撒馬兒罕萬
里貢環足徵內治修矣第貢惟獅子夫獅子日食萬
錢一咆哮卽虎豹皆伏茲固狎狎之獸也以中人數
十口之費日給一不可馴馭之物謂緩急何況中國
所貴外夷賤之故南越以孔雀珥戶昆山以玉璞抵
鵲中國得之以爲奇物夫獅象亦若是已倘四夷聞
之各以所賤易其所貴殆非所以實內帑而撫遠人
也陸容諸臣之論慮且遠矣

天竺

天竺一名身毒大國也地方三萬餘里分中東南西北五天竺國卽所謂五印度也國各有王地各數千里東印度與扶南占城鄰但隔小海爾南印度際大海西印度與剌賓波斯接北距雪山四面皆山惟南通一谷爲國門其中印度則據四印度之中有別城數十皆置長別國數十置王曰舍衛曰伽尸卽波羅也曰伽毗黎曰蘇摩黎曰斤施利曰摩伽陀曰婆伽門曰婆黎等國皆屬中天竺者而四天竺亦各有國數十難以盡紀矣自漢張騫見蜀布邛竹杖身

毋之名始通中國遂獻白玉連環羈馬腦石爲勒白
九琉璃爲鞍鞍在闔室中常照一十餘丈如晝日自
長安盛飾鞍轡競加彫鏤由身毒之獻始也後爲
月氏貴霜王所滅遂屬月氏馬至和桓時復遣使
貢獻世傳明帝夢見金人遣使天竺求佛於是佛教
遂傳中國圖畫形像焉楚王英始信其術而桓帝好
神數祀浮屠老子百姓稍有奉者後遂轉盛魏晉絕
不復通惟吳時扶南王范旂遣使蘇勿至其國天竺
王驚曰海濱極遠猶有使者來乎卽遣使陳宋等以
月氏馬四匹報旂勿往四年方得還國是時吳遣中

郎康泰使扶南及見陳宋等具問天竺土俗言其國
人淳龐土沃饒王號茂論習尚靡麗大有華風宋文
帝元嘉時天竺屬國伽毗黎國王月愛遣使奉表獻
金剛指環摩勒金環寶物赤白鸚鵡各一明帝時復
遣使至以其使爲建威將軍以後蘇摩黎國斤陀利
國婆黎國俱入貢矣梁武天監初天竺王屈多遣長
史竺羅達奉表獻琉璃唾壺雜香吉貝等物魏宣武
帝南天竺遣使獻駿馬云其國出獅子貂豹羆橐駝
犀象有火齊如雲母而紫色列之則薄如蟬翼積之
則如紗縠之重皆有金剛似紫石英百練不消可以

切玉餘玳瑁琅玕諸香器物不可勝紀多與大秦安
急扶南交趾貿易往來蓋西番之一大都會也隋煬
帝遣使裴矩通西域諸國惟天竺佛菴不至爲恨唐
武德中中國大亂天竺王尸羅逸多勒兵戰象不馳
鞍士不釋甲因破四天竺皆北面臣之會唐浮屠玄
奘至其國尸羅逸多召見曰而國有聖人出作秦王
破陣樂試爲我言其爲人玄奘粗言太宗神武四夷
賓服狀王喜曰我當東面朝之貞觀中遣使上書帝
命騎尉梁懷敏持節慰撫尸羅逸多驚問國人自古
亦有摩訶震旦使者至吾國乎皆曰無有摩訶震旦

者華言中國也王出迎膜拜受詔書戴之頂復道
者隨入朝獻火珠鬱金菩提樹頂之唐遣長史王言
策使其國會尸羅逸多次國人亂其臣阿羅那順自
立發兵拒言策時從騎纔數十戰敗皆沒言策挺身
奔吐蕃西鄙檄召諸鄰國兵吐蕃以兵千人來泥婆
羅以七千騎來言策部分進戰於荼縛和羅城中天竺二城
時可漢三日破之斬獲無算遂擒阿羅那順俘送闕下
擢言策朝散大夫得方士那羅邇婆娑寐自言壽
二百歲有不死術帝改館使治丹遣使者馳采怪藥
然石後術不驗竟死長安是時摩伽陀國獻波羅樹

小揭國獻方物烏茶國獻龍腦香天竺屬國多入貢
天烏茶國者地方五千餘里人工禁術其國有神化
土蟒以濟饑渴又與孔雀啄滄泉以愈衆疾蓋神
異之國也高宗時盧伽逸多者烏茶人亦以術進拜
懷化大將軍自後天竺來使皆曰蕃夷以袍帶爲寵
唐輒以金帶錦袍賜焉乾元末河隴陷沒遂不至矣
至周廣順初僧薩滿多復入貢名馬宋乾德後來獻
不絕矣天竺之法國王次太子襲位餘子皆出家爲
僧不復居本國有曼殊室利者乃其王子隨中國僧
至馬太祖令館于相國寺善持律都人傾嚮之財施

盈溢衆頗疾焉以其不解唐言卽僞爲詔求還本國
詔下曼殊室利不得已附南海賈人而歸後不知所
終太平興國間益州僧光遠至天竺以其王沒徙曩
表來上表稱唐天子爲支那皇帝云自是後僧密怛
羅僧法吉祥僧善稱等凡四來朝獻或貢梵書或貢
佛骨銅牙菩薩像宋皆賜以束帶紫方袍馬元太祖
西征滅回回國其王禿灰遂進次西印度國遇大獸
角數十丈角如犀牛作人語曰此非帝世界宜速還
北律楚材曰此名角端旄星之精靈異不可犯也遂班
師還我朝有詔納樸兒亦印度之一也永樂中遣

監侯顯等賁詔往諭之至其境國王一不刺金玉
這金銀拄杖各二人奉迎引導拄杖者其國大臣名
也至則其王拜詔叩謝甚恭及畢鋪氍毹於殿地待
我天使宴我天兵燔炙牛羊禁不飲酒恐亂其性惟
以薔薇露和香蜜水飲之宴畢復贈正使副使及諸
官兵金銀盔甲瓶盆盞蓋等物有差尋置金筒銀葉
表文遣使隨顯等貢獻方物又有榜葛蘭卽西天東
印度也永樂六年國王嚮牙思丁遣人朝貢十二年
王蹇弗丁遣使貢麒麟禮部請上表賀上曰卿等
但當竭心輔治以惠天下天下旣安雖無麒麟不害

爲治其免賀以後二國久不通貢其地土廣人稠財
物豐衍市用銀錢海貳民好耕植一歲二收王居極
侈禮法森嚴男女皆黑男剃髮白布纏之身服從頭
套下下圍以悅女短衫下圍色布絲綿不施脂粉惟
嬌艷者生而白色耳垂寶釧項挂瓔珞腕金鐲手足
戒指甚可觀也傳言先時人性獷悍以戰歿爲吉利
以善終爲不祥至周老聃惡其彊暴出關化之作淨
法令其內外剪除不傷形體後卒托生爲佛仍修
老子之道以故至今俗甚淳美不相殺伐亦有文字
交易雖萬金亦價定量平略無怨悔賦有十二刑有

管杖流徒陰陽醫卜藝技大類中國有一種人不食

肉味夫歿妻不再嫁夫不再娶若孤寡無倚一村之

家輪養之不容別村求食其義氣如此亦有女人稱

術術者粧服華麗人家飲宴亦來侑觴口唱番曲對

舞又有人曰根肖速嚼柰者蓋優人也能作百戲并

伏虎日往人家索錢其山川古蹟則聖水能止風

璃乘之遇風其產細布有五六樣兜羅錦潤四五尺

酒之即止貴賤不同波羅密味佳庵

面毛毳絨番名如鹿皮然摩勒香酸稍割牛角長四尺十日一割不割則死龍

腦香狀類雲母絲絲鑲鐵鎗剪極巧漆器磁器俱極

色如冰雪且此

爲奇

婆羅門

婆羅門卽古師子國東晉時通焉天竺屬國也其地
西海之中延袤二千餘里多出奇寶四時和適無夏
冬之異五穀隨人所種不須時節其國舊無人止有
鬼神有龍居之諸國商賈來共市易不見其形但珍
寶明其所堪價商人依價取之諸國人聞其土樂因
此競至或有停住者遂成大國晉安帝義熙初遣使
獻玉佛像高四尺二寸五色潔潤形制殊特殆非人
工歷晉宋代在建康瓦官寺其後宋元嘉梁大通唐

總章天寶間朝貢不絕獻有大珠鈿金寶纓等物宋
淳化中閩婆國使來言其鄰國有婆羅門者其人善
法察人情人欲相危害者皆先知之至大觀中婆羅
門遣使來貢詔禮之如交趾及今我朝永樂中遣
使貢真珠玳瑁瑪瑙車渠等物賜王及妃文綺其地
負山面海念佛素食風俗土產大略與天竺同

論曰昔列子言西方有聖人由余言化人石佛霍去
病得祭天金人漢哀時博士景慮口傳月氏人浮屠
經佛之興其來久矣張騫西通身毒第言其地多暑
濕乘象而戰略未及奉浮屠事豈其未之察耶夫恒

星不見咎徵也而或以周莊之十年恒星不見爲佛
生之始謬矣彼道家流乃謂周莊十年老子遣尹真
人喜乘月精白象下天竺於淨飯夫人口中託生爲
佛蓋詆釋也釋氏亦謂摩訶迦葉下生世間號曰老
子蓋詆道也而釋氏甚且詆聖言寶歷菩薩生爲伏
義吉祥菩薩生爲女媧淨光童子生爲仲尼月明童
子生爲顏淵茲愈不經之說矣大抵三代以前已有
佛法故關帝譏而不征特其名自漢明時始著其教
自達摩西來始盛爾余因志天竺諸國事故敘及之
以俟博識者考正焉

亦力把力

亦力把力漢龜茲也昔昭帝以杆彌太子名賴丹者
爲校尉田輪臺輪臺與龜茲地相連也龜茲貴人姑
翼與王謀共殺賴丹宣帝時常惠使烏孫還便宜發
諸國兵攻龜茲執姑翼斬之語在惠傳會烏孫公主
遣女至京師學鼓琴漢遣使樂奉送王女過龜茲龜
茲王留不遣公主遂妻之元康初龜茲王絳賓與王
女入朝自以爲漢外孫婿也漢厚賜之留一年遣歸
後數來朝賀自是衣服宮室侍從周衛出入傳呼撞
鐘鼓如漢家儀然時胡人皆曰驢非驢馬非馬若龜

延王所謂羸也絳賓歿其子承德自謂漢外孫成哀
間往來尤數漢待之亦甚親密王莽時絕東漢初復
通以後或通或絕無常主矣魏文帝卽位遣使貢獻
晉武初遣子入侍及惠懷之亂朝貢絕矣秦苻堅遣
將呂光伐西域至龜茲龜茲王白純載寶出奔光入
其城城有三重外城與長安城等室屋壯麗飾以琅
玕金玉光立白純弟白震爲王而歸白震之後惟周
保定初隋大業中遣使朝貢方物唐貞觀初其王蘇
伐疊獻馬太宗賜璽書撫慰之後臣西突厥郭孝恪
伐馬耆龜茲乃遣兵與馬耆影援太宗怒議討之是

夜月食昴詔曰月陰精用刑兆也昴胡分數且終乃遣將阿史倫杜尔及契苾何力郭孝恪等發鐵勒十三部兵十萬討之杜尔分五軍掠其北執馬耆王阿那支龜茲大恐王及酋長皆棄城走杜尔遣伊州刺史韓威擊破之王計窮保撥換城杜尔圍之閱月執王及其將羯獵相那利詣軍杜尔凡破五大城男女數萬遣使者諭降小城七百餘西域震懼乃立其弟葉護爲王勒石紀功而歸獻俘闕下太宗喜謂羣臣曰夫樂有紀朕嘗言之土城竹馬童兒樂也金翠羅紈婦人樂也貿遷有無商賈樂也高官厚秩士大夫

樂也戰無前敵將帥樂也四海寧一帝王樂也朕今
樂矣遂徧觴之初孝恪之擊焉耆也龜茲有浮屠害
數歎曰唐家終有西域不數年吾國亦亾果如其言
太宗赦其王布夫畢罪拜中郎將遣歸國頃之龜茲
亂唐復破之以其地爲龜茲都督府更立布夫畢子
素稽爲王授都督職長壽初王孝傑破吐蕃復四鎮
地置安西都護於龜茲以兵三萬鎮焉於是沙磧荒
絕民供貲糧苦甚議者請棄之武后不聽都護以政
績著者杜進田揚名郭元振張孝嵩云開元中王孝
節遣弟孝義來朝獻遊仙枕枕之而寐則九州三島

皆在其中蓋奇物也以後未通宋自祥符至熙寧中
入貢者凡九云其國王自稱師子王衣黃衣寶冠與
宰相九人同治事紹聖三年遣使以表章獻玉佛至
洮西熙河經略使以其罕通使請令於熙秦等州博
買而估所齎物價答賜遣還從之元時名別失八里
宣慰司領之我朝洪武永樂間三入朝貢
誠至其國後歪思弒其國王納黑失只罕自立爲王
號亦力把力宣德二年脫歡阿魯台歪思各遣人朝
貢賜金幣加賜歪思金刀甲冑正統後來貢不絕其
地逐水草住牧地寒深山大谷六月飛雪俗獷戾服

用污穢上下無紀律性多淫置女市收男子鐵以入
官土多孔雀人取食之西北有大山有泉如膏流出
成川行數里入地狀如飴餠甚臭服之齒落更生每
元日鬪牛馬馳爲戲七日觀勝負以占一年牛馬之
繁息衰耗其山川白山亦出
研砂金嶺嶺多
雨雪熱海氣候
常熱產
犂牛氍毹白氍布銅鐵等物

論曰龜茲本西域城郭大國元時始以北虜居之故
其習俗亦異如本志所載昔則土著今則遷移昔則
侈麗今則污穢何哉蓋鳥窠獸窟各安其性雖元竊
據中原乎而衣皮飲血猶不能盡革夷風何怪亦力

把力之不若龜茲也

佛林

佛林唐書云卽漢大秦國也一名犁軒武帝遣使至安息安息獻人二皆戚眉峭鼻亂髮拳鬢長四尺五寸是其國人也元封初大秦貢花蹄牛高六尺尾環繞其身角端有肉蹄如蓮花善走多力帝使輦銅石以起望仙宮足跡皆如花形自後遂絕其國在海西之西又名海西從條支西度海曲萬里去長安蓋四萬餘里地方萬里城四百勝兵百萬小國役屬者數十十里一亭三十里一堠路無盜賊但有猛虎獅子

爲害行者非羣則不得過其國其王都城廣八十里
門高二十丈釦以黃金宮殿以瑟瑟爲柱水精琉璃
爲枕異寶飾門香木梁黃金爲地無陶瓦白石墜屋
堅潤如玉盛暑引水上流氣爲風有貴臣十二共治
國事國有大災異輒廢王更立賢者亦無怨言其人
長大平正頗類中國故謂之大秦或曰本中國人也
有幻人能額上爲炎燼手中作江湖舉足而珠玉自
墮開口則幡旒亂出有善醫能開腦取虫以愈目青
其王輒欲通漢而安息欲以漢繒帛與之交市故遮
閔不得自達昔班超遣掾甘英使大秦臨大海欲度

而安息西界船人謂英曰海水廣大入海人往來皆
賁三歲糧海中善使人思土戀慕數有死亾者英乃
止及桓帝延嘉初大秦王安敦遣使自日南徼外來
獻象牙犀角玳瑁始乃一通焉其所表貢竝無珍異
疑傳者隱之也至晉太康時復遣使貢獻唐貞觀中
佛祿王波多力遣使獻赤玻璃綠金精下詔答賚時
大食稍強遣大將軍摩拽伐之佛祿約和遂臣屬焉
乾封以後凡再來朝獻開元中因吐火羅大酋獻獅
子羚羊五代時無聞宋元豐時國王滅力伊靈改撒
始遣其首領來獻鞍馬刀劔眞珠言其地甚寒土屋

無瓦礫有空篋壺琴小篋篋備鼓皆國中樂也王衣
紅黃衣以金線織絲布或五色布纏頭貴臣冠服亦
如之每歲三月則詣佛寺坐紅牀使人舁之元時其
國人多居中國者我朝洪武初遣其國故民捏古
倫賚詔諭之尋遣使朝貢其俗不尚戰鬪鄰國小者
爭但以文字相問大則加兵賦稅但以治事小大爲
差刑罰輕者杖數十重者至二百大罪則乘以布囊
而投諸江其候時日懸大金秤以十二金丸係之每
至一時金丸輒落毫髮無差鑄金銀錢無孔面鑿彌
勒佛背爲王名禁民私造其座五色玉青黃赤黑夜

光壁木難珠

碧色木難鳥中結珠所成

降真香

燒之引鶴

駭雞犀

通

犀也以盛米雞

寶

似狗獾多力

却火雀

似燕置火中火滅其雀無傷云因谷

洲水受

西錦柰祇花

取油塗身可以去風

千年棗阿勃參

油宜

亦大效

肉汁酒

地有蠟虫剖其肉重疊以石壓之瀝汁取外國艸子釀於肉汁中經數日

成酒飲龍種羊

以羊臍種土中既以水聞雷而生臍屬地中刀割必久俗擊鼓驚之臍斷

便行龍種羊

食臍內復有種為奇

論曰大秦西域之沃土也唐書以為佛祿似矣顧其

國自漢歷唐貢獻不絕而宋史以為自古不通中國

考之國朝佛祿風俗土產皆類宋史而與漢唐二

書所載者大相懸絕何謬謫之甚耶或者唐之佛祿

卽古大秦而宋與國朝之佛祿與之名同而實異爾

蘇門答刺

蘇門答刺漢之條支唐之波斯大食皆其地也昔張
騫通西域還爲武帝言條支在安息西海暑濕耕田
田稻有鳥卵大如甕人衆甚多往往有小君長而安
息役屬之以爲外國國人善眩安息長老傳聞條支
有弱水西王母止日所入而未嘗見云以後漢使往
來路至烏弋而止莫有至條支者章帝時國人來進
異瑞有鳥名鵠鵠形高七尺解人言和帝時班超遣
掾甘英使大秦抵條支臨大

暖不果乃還其後

條支故地爲波斯所據波斯

波斯匿王乃大月

氏別裔子孫以王父爲氏遂世爲國號前此未通至
元魏神龜中其國遣使上書貢物云大國天子天之
所生願日出處常爲漢中天子波斯國王居和多千
萬敬拜朝廷嘉納之自此至梁隋俱遣使貢而隋亦
遣使李昱至其國隋末西突厥葉護可汗討殘其國
而不能有唐貞觀中獻水珠行軍乏水置土中水自
出又獻活褥蛇狀類鼠色正青長八九寸能入穴取
鼠是時條支遺種亦來朝貢獻金麥銀米各數十斛
後波斯王爲大酋所逐大食復攻之遣使告難高宗

以遠不可出師龍朔初又訴爲大食所侵時天子遣使到西域分置州縣以疾陵城爲波斯都督府拜其王爲都督俄爲大食所滅雖咸亨天寶乾元間遣使入貢然其地盡入大食不過臣屬大食而已大食王者其先亦波斯人也當隋大業中波斯國人牧於俱紛摩地那山有獸言曰山西三穴有利兵黑石而白文得之者王其人往果得石以爲瑞乃糾合其衆剽略貨聚徒浸盛遂自立爲王據有波斯國之西境地多砂石不堪耕種無五穀唯食駝象等肉後破波斯佛祿及南侵婆羅門諸國

粟麥倉庾於是遂

強地廣萬里勝兵至四十萬

等四五十國皆往

臣之其王嘗遣人乘船賁糧入海經涉八年未極西岸於海中見一方石石上有樹枝赤葉青樹上總生小兒長六七寸見人不語而笑手足皆動摘取入手卽乾黑其使度糧乏難極西界遂還持一枝見王此亦奇事也唐永徽初大食王繖密莫末賦復遣使者朝貢自言王姓大食氏波斯國人得國凡三十四年傳二世矣開元初復遣使獻馬鈿帶謁見不拜曰國人止拜天無拜王也其俗曰五拜天故云有司切責之乃拜初大食族中有摩訶來者勇而智衆立爲王

闢地三千里號白衣大食傳十四世至末換殺兄伊
疾而自立羣下怨其忍也將討之徇衆曰助我者皆
黑衣俄而衆數萬卽殺末換求故王孫阿蒲羅拔爲
主更號黑衣大食遣使朝貢代宗取其兵平兩京者
是也宋乾德初僧行勤遊西域因賜其王書以招懷
之自是後終宋之世朝貢不絕貢物有棟香白龍腦
白沙糖白越諾薔薇水琉璃瓶象牙賓鐵紅絲古貝
土色襍花番錦乳香無名異膾膈臍龍鹽千年棗偏
狻五昧子駝毛褥錦襪番花草金飾壽帶連環臂鈎
等物宋帝賞賚輒準其所貢

初入貢路繇沙州

涉夏國抵秦州後輒爲西人

乃詔自今取海路

繇廣州至京師政和中橫州土曹蔡蒙休押伴其使
入都汭道故滯留強市其香藥不償直事聞下詔獄
治詔自今蕃夷入貢並選承務郎以上清強官押伴
按程而行無故不得過一日乞取賈市者以自盜論
云我朝洪武初國王遣使貢馬及方物永樂初國
王宰奴里阿必丁遣使朝貢封爲蘇門答刺王賜印
誥金幣旣而國王與鄰國花面王戰敗死子幼有一
漁翁奮志領兵攻殺花面王遂妻故王妻自稱老王
而得其國遣使來貢無何故王之子長大陰與部目

謀殺漁翁復其故位而漁翁之嫡子蘇幹刺者逃居
鄰谷自立爲王率衆復父之仇會太監鄭和至其國
發兵擒獲蘇幹赴京伏誅王子感上德意貢方物
甚夥至今不絕其地大抵從泉州西北舟行順風大
約百日可抵其國田礮谷少男白布纏頭腰圍摺布
女椎髻腰圍色布手巾其酋長人修一日之間必三
變色或黑或赤或黃每歲必殺十餘人取血浴身云
凶時不生疾疹故民皆畏服焉王居以瑪瑙爲柱綠
甘爲壁水晶爲瓦碌石爲磚活石爲灰帷幕之屬悉
百花錦官有丞相太尉馬高士卒驍勇民居與

中土同技藝咸精番商往來

有故臨國人黑如

漆好爲寇盜中國人往大食者必自故臨易小舟而
去有默伽國其先荒野大食有祖師蒲羅啤徙居其
地取妻生子曰司麻烟生時以足蹙地清泉湧出頃
之遂成大井後泛海遇風波者以此水洒之無不頓
止

與天竺天
方井同

有那孤兒國卽花面王國也國小僅比

大村獺頭裸體如獸類然人皆犴面故名其屬國有

勿斯里

經八九十年始一見兩每二三年間必有老
人自江中出國人拜問吉凶笑則豐稔愁則

飢疫良久復入水中其塔頂有神鏡若他國兵至則先照見勿斯離

有天生樹其
果名曰蒲蘆

可採食之次年復生名麻
茶澤三年再生名沒石子

吉慈尼

地極寒春雪不消
產雪蛆狀如瓠瓜

食之味美
大治內熱
麻離拔貴人以金線挑花帛
黎伐國民僅

家語言動用與蘇門答刺進貢
白達地多珍寶人食酥酪

他國不其產美菜長六尺
偏朶其形偏肉白布纏頭兵強
尋枝瓜

極大十人方
石橘重五斤
臭果長八九寸開之甚臭內

可共戰一枚
酸子大如梨其
蒲桃大如雞子
竹雞略煮便熟味
鶯

鳥高四尺足似駱駝
名馬馬與龍
胡羊尾大如扇春

數十斤以藥線縫合
螺子質也每顆
龍涎香則涎

之羊如故不割則死
薔薇水酒氣不散
為奇

論曰蘇門答刺王日變三色
取血浴身此島夷志所

載也自條支既通波斯大食
中國前史未嘗紀

有談奇詭謫之事面色數更

類耶況俗奉浮屠

謹持五誠殺人取血冥業安仕第自古著稗史者非
咸怪異不能膾炙人口惟是博覽之士無爲耳食則
可矣

咸賓錄西夷志卷之四

明豫章羅曰聚尚之父著

于闐

于闐大國也去中國萬里張騫所窮河源一出于闐者是也光武末爲莎車王所并後于闐王將休莫霸者反莎車自立爲于闐王休莫霸死兄子廣德立復滅莎車其國轉盛服從者十三國與鄯善並稱大國焉元嘉時于闐將輸棘等殺漢長史王敬漢欲討之不果于闐恃此遂驕晉太康中其國遣使貢古玉印上命緘而藏之至後魏時祖瑩所辨卽此印也宋齊

未通後魏太武遣高涼王那討吐谷渾慕利延利延懼驅其部落渡流沙那軍急追之利延遂西入于闐殺其王次者甚衆顯祖末濡蠕寇于闐于闐患之遣使素月伽上表請從公卿議于闐萬里蠕蠕性但野掠不能久頓文城卽遣師勢無及矣詔以此議諭使者遂止不發兵也先是魏遣使者韓羊皮使波斯道經于闐于闐中于王秋仁輒留之羊皮歸言狀魏復皮責諭之自是朝獻不絕矣梁武天監始通江左遣使貢方物項之獻波羅婆步障獻琉璃鬘獻刻玉佛蓋終采之世凡四人貢焉周達德初獻名馬隋

大業中頻遣使朝貢時其王姓王氏字卑示錦帽金
裝冠髮不令人見俗云見王髮年必儉也唐時其王
丁遲氏名屋密本臣突厥貞觀初遣使入獻後三
年遣子入侍阿史倫杜尔之平龜茲也其王伏闕信
大懼使子獻橐它三百長史薛萬備謂杜尔曰今破
龜茲西域皆震恐願偕輕騎羈於闐王獻京師杜尔
許之至于闐陳唐感靈勸入見天子伏闕信乃隨使
者來會高宗立授右衛大將軍賜賚特厚畱數月遣
之請以子弟宿衛上元初身率子弟酋領七十人來
朝從擊吐蕃有功唐以其地爲毗沙都督府授伏闕

信都督死凡五傳而尉遲勝立至德初以兵赴難因請畱宿衛唐以其弟葉護曙推知本國事項之進方圓二美玉徑各五寸光可鑑髮上以示道士言解言解曰此一龍玉一虎玉圓者龍也生於水中爲龍所寶若投於水必有虹霓出焉方者虎也生於崑崙谷爲虎所寶若以虎毛拂之卽紫光迸逸百獸懾伏上令試之果驗詢問使者曰圓者得自漁人方者得自獵

因命藏之內府以後絕不復至矣及石晉時其王李聖天自稱唐之宗屬遣使貢紅鹽鬱金玉氍毹牛尾等物皆遣張鄴高居誨等入其國冊聖天爲太

寶于闐國王七年乃還五代史載有居誨記皆往來
所見山川而未及聖天世次也宋建隆初聖天遣使
貢玉爲匣玉枕一本國摩尼師貢琉璃瓶二
胡錦一段後自乾德以至嘉祐間入貢者無慮數十
遠不踰二歲近則一歲再至地產乳香來者輒負私
與商賈牟利不售則歸諸外府得善價故其來益多
故元豐初詔于闐唯貢表及方物馬驢乃聽詣闕乳
香以無用不許貢也元祐中以其使至無常令熙河
間歲一聽至闕紹聖中游師雄言于闐大食拂菻等
國貢奉般次踵至有司憚於供賚抑畱邊方限二歲

一進此非所以來遠人也從之自是訖於宣和朝貢
不絕先是太平興國中有澶州卒王貴者晝忽見使
者至營急召貴偕行南至河橋驛馬已具卽乘之俄
覺騰空而去頃之駐馬但覺室宇宏麗使者引貴入
見其主容衛制度悉如王者謂貴曰汝年五十八當
往于闐國北通聖山取一異寶以奉皇帝宜深志之
遂復乘馬凌空而旋軍中失貴已數日矣驗所乘卽
之馬也知州宋煦劾貴以聞太宗釋之天禧初
貴自陳年已五十八願導前戒西至于闐詔許之貴
至秦州忽遇一道士引貴登高原令貴閉目頃復令

開視山川頓異道士曰此于闐北境通聖山也復引
貴觀池中有仙童出一物授之謂曰持此奉皇帝又
一月目少頃復至秦州向之道士已失所在矣發其
物乃玉印也文曰國王趙萬永寶州貴歸以獻元時
內屬丞相伯顏至其國鑿井得一玉佛色如截肪照
之皆見筋骨脈絡如生佛然此皆一奇事也我朝
永樂二年頭目打魯哇亦不剌金遣使貢玉璞十二
年吏部陳誠至其國國王微弱鄰國交侵避居山谷
永樂以後西戎奉貢不相侵伐始得安息富饒桑麻
禾黍宛如中土土人機巧好歌舞紡績俗尚浮屠僧

尼尤多雖國王亦輒持三戒相見輒跪稍知禮節尊卑凡人死者以火化之收骨共葬一塔各以長幼爲序以沙爲冢居喪者剪髮長四寸云佛見雁歿於地以沙葬之胡人稱爲雁塔後佛涅槃循其故事亦以沙葬而立塔焉自高昌以西諸國人皆深目高鼻惟于闐貌不甚胡頗似華夏河源至于闐分爲三河曰白玉河黑玉河綠玉河皆出玉而色異每歲秋水涸時一撈玉於河國人始得撈玉其山川古蹟葱嶺贊摩寺

摩寺

即昔羅漢比丘盧旃爲其王造覆盆浮圖之所石上有碑文佛跡處雙足猶存

比摩

寺

是元子也胡成佛之所

其產蒲菴酒胡錦花氍布

以花氍布織成者砂

積鼠溫臍臍

見

前芸輝

香草也色白如玉入土不打磨元載碎之以塗壁號芸輝堂

五色玉爲異

今太史公云禹本紀言何出崑崙今自張騫使大

夏之後也窮河源惡睹所謂崑崙山者乎蓋以証河

出崑崙之謬也後儒不達遂神其論謂崑崙

或言此崑崙非

今大環以弱水之深

甘肅西其四十里有水環合黎山謂之弱水禹貢導弱水至於

合黎即此諸書所載者

繞以炎火之山去中國四十

萬里是惟帝之下都神物生焉聖人神仙集焉其中

金城玉樓碧堂瓊室西王母之所治也其虛談詭論

不可勝紀蓋自山海經崑崙有神人面虎身之說起

云惟莫辨崑崙故河源歷代難究至元始祖使篤實
西窮河源始知其出於星宿海星宿海者在吐蕃朶
甘思之南地近百泓匯而爲澤登高望之若星宿然
直中國四川馬湖府之正西三千餘里雲南麗江府
之西北一千五百里自西而東合諸河水其流漸大
行二十餘日至大雪山卽所謂崑崙山也繞山西南
折而東而北而西又繞崑崙之北又轉而東北二十
餘里歷雲中九原至大寧始入中國道今以禹貢參
考絳象河圖及河源志一皆合然則河水經崑崙
山非河源出崑崙山也太史公辨之當矣況其山亦

爲嘗異哉彼不深究河源而誕稱崑崙以愚聾瞽者
書何爲徒用汚殺青矣

默德那

默德那卽回回祖國也宣德中遣人隨天方來貢初
國王謨罕薦德生而神靈臣服西域諸國尊爲別譜
援爾華言天聖也國中有佛經三十藏書兼篆艸楷
隋開皇中國人撒哈八撒阿的幹葛始傳其教入中
國其地接天方城池宮室田園市肆大類江淮間寒
暑應候地宜五谷亦有陰陽星曆醫藥音樂諸技藝
人不食豕肉諸非同類殺不食織文彫鏤器皿極精

巧土產貓睛祖母綠獅子梭甫撒哈刺西洋布押不

廬

藥名人少飲即灰刀斧不

火失刺把都

藥也形如木鼈子而

小可治一百二十種疾為奇

天方

天方古筠冲地一名天堂宣德五年太監鄭和等往
各番國到古里差使諭天方國王王即遣使來貢方
物并畫天堂圖以獻其地風景融四時皆春田沃稻
饒店民安業人以馬乳拌飯故多肥美俗好善無科
擾於民故無貪難無盜賊故自然淳化乃極樂之界
也國內有禮拜寺寺分為四方方各九十間皆白玉

為柱黃玉為地地中有黑石一片方丈餘云漢初天
降也遍寺牆壁皆薔薇露龍涎香和水為之馨香不
絕上用皂紵絲為蓋罩之畜二黑獅子守其中門每
歲十二月十日各番回回人雖萬里之外亦來禮拜
皆將所罩紵絲割取一方為記而去割盡復換年年
不絕貨物甚多日中不市至日落之後方為夜市蓋
其日色極熱故也其山川古蹟驀底城內有前國王墓墓頂日夜
殿光侵雲而起墓後一井名阿必穆水可止風與聖水同其產珍寶獅豹名馬八
尺駝雞羚羊艸上飛俱詳後纏花樹其花一年二開長生不枯為奇

祖法兒

祖法兒漢之大夏隋唐之吐火羅是也昔漢張騫至大夏言其俗土著無大君長兵弱畏戰善賈市其都曰藍市城及匈奴擊破大月氏王以王頭爲飲器其種人遂收餘衆過宛西擊大夏而臣之大夏遂臣屬月氏矣至隋唐時名吐火羅世次難考與嚧噠雜居勝兵十萬嚧噠者大月氏之遺種也大業中遣使朝貢唐初屬西突厥然武德貞觀中俱入獻也高宗時獻大鳥高七尺色黑足類駱駝人可乘鼓翅而行三百里能散鐵俗謂駝鳥顯慶中以其阿緩城爲月氏都督府析小城爲二十四州授王阿史那爲都督未

幾遣子入朝留宿衛俄又貢瑪瑙鐙樹高三人開元
天寶間數獻馬騶異藥乾阿陀婆羅二百品紅碧玻
璃乃冊其君骨咄祿頓達度爲吐火羅葉柁怛王其
後鄰胡羯師謀引吐蕃攻吐火羅於是葉護失里忙
伽羅丐安西兵助討帝爲出師破之乾元初與西域
九國發兵爲天子討賊肅宗詔隸朔方行營宋時未
通我朝永樂宣德中王亞里俱遣使朝貢國無城
郭俗朴實尚回回教王以白細番布纏頭身穿青花
細紬絹或金錦衣袍出入乘轎跨馬前後陳列象駝
鼓吹氣候常熱市用金銀錢文如人形男拳髮穿長

衫女則以布兜頭面出見人亦不出露髮多女少故
 兄弟通室婦人五夫則首戴五角十夫戴十角無兄
 弟者與他人結為昆季然後得妻生子屬其長兄其
 民如遇禮拜寺日必先沐浴用薔薇露或沉香酒塗
 其面更以新衣復以沈檀掩八兒香熏其衣體始往
 禮拜是日經過街市香氣旬日不散其山川則頗黎
 山有穴產神駒皆汗血其產福鹿周身俱白中有駝雞即駝鳥
 肉鞞可乘夷人名馬穴中產神馬為奇
 殺之以賣其肉

覽邦

覽邦漢跡勒國也明帝永平中龜茲王建攻殺跡勒

王成自以龜茲左候兜題爲踈勒王漢遣班超劫縛
兜題立成之兄子忠爲踈勒王忠後叛反超擊斬之
耿恭爲戍已校尉屯車師後王金滿城爲匈奴所攻
恭引衆入踈勒城中乏水穿井十五丈不得水恭整
衣冠向井拜拔刀刺山飛泉涌出賊遂退安帝元初
中踈勒王安國歿舅臣盤立爲王日以強盛數遣使
貢獻靈帝建寧初爲季父和得所殺自立爲王其後
連相殺害漢不能復禁至後魏文成末其王遣使送
釋迦牟尼佛袈裟一長二丈餘帝以其審是佛衣當
有靈異命焚之置猛火上終日不燃其王戴金獅子

冠每歲嘗供送於突厥其都城方五里國內有大城
十二小城數十人手足皆六指產子非六指者卽不
育勝兵有二千人地多沙磧少壤土俗尚詭詐生子
亦束頭取福其人文身碧瞳王姓裴氏自號阿摩支
居迦師城突厥以女妻之隋大業中又遣使來唐貞
觀初遣使者獻名馬太宗謂房玄齡等曰曩之一天
下克勝四夷惟秦皇漢武耳朕提三尺劒定四海遠
夷率服不減二君者然彼末路不自保公等宜相輔
弼毋進諛言置朕於危亾也儀鳳時吐蕃破其國開
元中遣大理正喬夢松攝鴻臚少卿冊其君安定爲

疏勒王天寶十二年首領裴國良來朝授折衝都尉
賜紫袍金魚宋時未通我朝洪武九年國王昔里
馬哈刺扎來貢永宣間輒附鄰國貢方物地多沙磧
谷惟麻麥產無奇

哈烈

哈烈大國昔漢之大宛元魏之洛鄯隋之蘇對沙那
及石國皆其地也昔漢武帝欲伐匈奴聞月氏與匈
奴有隙欲通使月氏并力共滅之乃募能使者張騫
以郎應募往月氏道經匈奴爲單于所得畱十餘歲
與妻有子後與其屬亡鄉月氏西徙數日至大宛大

宛聞漢饒財乃遣使導送至月氏踰二年張騫還漢
具爲武帝言大宛城郭兵衆及汗血馬其先天馬子
也帝聞宛多善馬卽遣使者持千金往宛以請宛善
馬宛王以漢絕遠大兵不能致遂殺漢使泰初元年
拜李廣利爲貳師將軍期至貳師取善馬率數萬人
至其境攻郁城不下引還往來二歲至燉煌士卒存
者十不過一二帝怒其不克使遮玉門不許入貳師
因留屯燉煌又遣貳師率六萬人負私從者不與馬
牛十萬馬三萬匹驢橐駝萬數天下騷然益發戍甲
卒十八萬置居延休屠以衛酒泉貳師至宛宛人斬

王母寡首獻馬漢軍取其善馬數十匹中馬以下牝牡三千匹而立宛貴人昧蔡爲王約歲獻馬遂採蒲萄苜蓿種而歸貳師再行往返凡四歲後漢明帝時宛獻汗血馬後魏洛鄯國數獻馬隋時名蘇對沙那國其王姓蘇色匿字底失盤佗而其北鄙爲石國亦故大宛地隋大業初遣使朝貢唐武德貞觀間數獻方物顯慶三年以瞰羯城爲大宛都督府授其王都督開元初封其君長爲石國王頃之其王上言今突厥已屬天可汗惟大食爲諸國患請討之天子不許天寶初封王子那俱車鼻施爲懷化王賜鐵券久之

安西節度使高仙芝劾其無藩臣禮請討之王約降
仙芝遣使者護送至開遠門斬關下於是西域皆怨
王子走大食乞兵攻怛邏斯城敗仙芝軍自是臣大
食寶應時遣使朝貢前史載其俗以蒲萄爲酒富人
藏酒至萬餘石久者至數十年不敗其良馬有肉角
數寸或有解人語及知音舞與鼓節相應者國城之
東南立屋置座於中正月六日七月十五日以王父
母燒餘之骨金甕盛之置千床上巡繞而行散以香
花襍果王率臣下設祭焉禮終王與夫人出就别帳
臣下以次列坐而饗宴末時未通元時內屬我朝

名哈烈一名黑魯元附馬帖木兒之子沙哈魯居其地國人稱爲速魯壇猶華言君王也洪武二十五年遣使詔諭永樂七年頭目麼賚等朝貢吏部陳誠曾至其國正統二年指揮哈只等貢馬玉石其地城方十里居平川川廣百里四面大山王居東北山壘石爲屋屋若高臺無棟梁牆壁窗牖皆金碧琉璃門扉彫刻嵌骨角屋傍設綵綉帳房爲燕寢所金牀重褥民土房或氊帳以雨少故上下相與直呼名雖王亦然相見稍屈躬道撒力馬力一語握手或相抱爲禮致意於人則云撒盤少炊爨飯食就肆無七箸無正

朔時日年月男髡首永尙白及喪反易青黑久無棺
槨人多善走日行三百里氣候常熱磁器及紈綺甚
精巧過中國田多收穫宴會豐厚男女瀆亂無耻大
抵西域城郭諸國哈烈俗最鄙陋然有學舍生徒講
習經義好施予務農桑則又諸國所不及也隸國則
有俺都淮八刺黑

二國俱平曠無險地沃人繁

物產有鎖伏花毯

獅子水晶鹽酒杯藤

花堅明可愛國人用以耐酒實如豆寇香美銷酒

爲奇

古里

以下俱西域小國無世系事迹可考第以其朝貢中國故詳錄之

古里乃西洋諸番之會去中國十萬里永樂元年王
沙米的遣人朝貢五年遣太監鄭和賜王誥幣封爲

國王陞賞其將領有差王好浮屠族類分五種煨牛
糞爲囊佩之或塗肢體其穢俗也尚信義行者讓路
道不拾遺其美俗也海濱爲市通諸番國事皆決於
二將領國人亦有南昆回回哲地革全木瓜五等與
三倂齊同南昆爲王不食牛回回爲將領不食猪各
從其俗其國王死不傳子而傳甥無甥則傳弟其辨
盜真偽辨訟曲直亦以手置沸油中試之算法以手
足二十指會計毫髮無差其產小瓜大如小指長蝟
蝠其大如鷹常于木鼈黃牛人不食其肉或則爲奇

溜山

溜山一名牒幹小國也洪武初國王遣人朝貢其地
無城郭倚山聚居風俗淳美尚佛業漁男女體貌微
黑男子白布纏頭下圍以悅婦人上穿短衣以悅圍
頭止露其面以銀爲錢或用海貳其西有天生石門
如城闕然中有八溜各有所主廣三千里云所謂弱
水三千是也其人巢居穴處不識穀帛但食魚蝦以
樹葉遮其前後爲衣商船倘遇逆風舟師不謹落入
其溜其水漸無力而沈不復反矣溜山物產甚多惟
龍涎香見前鮫魚一名溜魚切塊淡乾賣與他國絲嵌手巾細密絕勝他處織
金手帕絕精富家男子以之纏額每幅價可值銀五兩爲奇

阿丹

阿丹小國也永樂九年遣太監鄭和諭之賜命互市其王拜詔待使禮俱甚恭隨遣使進金廂寶帶金冠鴉鵲諸寶石蛇角等物地近古里其俗國王金冠黃袍腰繫寶帶至禮佛則易細番布纏頭上加錦頂身服白袍其頭目冠服各有差男女服飾悉如淄山屋皆石壘交易有赤金錢紅銅錢以十二月爲一歲歲亦無閏每夜見新月卽一月也其四時惟以花木榮謝定之自有推算毫髮無差國有馬步兵七八千鄰國畏之其產珊瑚樹薔薇露萬年來大尾羊獅子

麒麟福鹿駝雞白雉寶石

以上物產俱各見前

為奇

南巫里

南巫里小國也洪武初遣使貢降真香等物其地自蘇門答刺西風一日夜可至國民千餘家皆回回人王服飾略同阿丹宮室用大木高三四丈如樓樓上甚潔聽政寢食皆在其中下則畜牛羊等物矣民俗與蘇門答刺略同其山川帽山山下二三十餘各其自稱王屬南巫里產降真香惟此國者為佳黑珊瑚大如掬指其色如墨其潤如玉有屈枝婆娑可愛為奇

白松虎兒

白松虎兒舊名速麻里兒先時有白虎出松林中遇
獸不食遇人不傷旬月餘不見父老云此西方白虎
降精故更今名永樂中遣使十六人來貢山川古蹟
物產無奇

阿速

阿速西海中爲稍大國也永樂中遣使百十二人朝
貢其地多撒馬兒罕天方諸國人俗敬佛惡鬪涼曠
適節人無饑寒夜無寇盜物產無奇

乞力麻兒

乞力麻兒永樂中遣使十二人朝貢其國山卑水淺

西南傍海東北林莽深密多猛獸毒蟲民不事耕稼
喜射獵物產無奇

牒幹

牒幹在西海中永樂中國王亦速福遣使朝貢其地
居皆回回人俗淳厚氣候常熱市用銀錢產龍涎香
鮫魚織絲織金悅甚精

黑葛達

黑葛達小國也宣德中遣人朝貢其地土瘠民貧尚
佛畏刑山川物產無奇

黑婁

黑婁小國也宣德七年朝貢其地近土魯番世相結
好山川禽獸皆黑男女亦然故名

哈失哈力

哈失哈力一名阿力馬力宣德中來貢

阿哇

阿哇永樂中王昌吉刺遣使朝貢

麻林

麻林未詳其國所在永樂十三年王遣使貢麒麟厚
賜之

加異勒

加異勒小國也永樂宣德間俱遣使朝貢其地民貧
常傭鄰國物產無奇

斂真誠

斂真誠國稍大永樂中遣四十人朝貢俗日中爲市
其產異香等物

八答黑商

八答黑商永樂間遣四十人貢織皮絨麝香木其國
山川明秀俗尚佛西洋西域皆商販於此產無甚奇

火刺札

火刺札國弱產微四圍皆山山少草木水無魚蝦俗

尚佛永樂中遣使朝貢

蘇文達那

蘇文達那洪武十四年國王殊旦麻勒兀達盼遣使來貢或云卽蘇門答刺非也

失刺思

失刺思永樂間來貢時遣內外官以綺幣磁器市馬於撒馬兒罕失刺思諸國宣德中復朝貢

納失者罕

納失者罕永樂中遣使朝貢其地去失刺思數日程皆舟行海中國饒水艸故產馬多俗敬僧喜鬪物產

無可

瑣里

瑣里小國也洪武五年國王卜納的遣馬牙茶嘉兒幹的亦刺丹八兒奉金字表來朝貢方物并上其土地山川圖 詔優禮之賜大統曆金幣等物永樂元年復遣使朝貢俗同西域其地近西洋瑣里勢力微弱西洋瑣里輒侵辱之物產甚微惟有撒哈刺諸布其貢物雖有珍異然皆自鄰國貿易來者非本國所產也

西洋瑣里

西洋瑣里比瑣里爲差大洪武三年遣使以金葉表
朝貢賜遇甚厚永樂元年來貢上令勿征其番貨
二十九年西洋十六國遣使一千二百人貢方物至
京師西洋瑣里貢獨豐美其產惟布爲佳

論曰西夷諸國或在嘉峪關外或居西海島中限以
沙磧阻以風濤殆天所以隔絕華夷也乃有漢武隋
煬好大之主張騫裴矩喜事之臣一言相契如水投
石遂致越海孤山遣使絕域來則賄結逆則兵臨於
是流沙以西弱水以東莫不獻奇納質凡珠玉錦罽
珍果異香之屬克於後宮獅象駝駿猛獒火雞之羣

實於外園貢琛之盛古罕聞焉然而賂遺師旅供億
莫貲一人未享其奉萬姓先罹其毒用是漢遂虛耗
而隋祚亦斬焉豈非作無益以害有益之明監乎唐
太宗英武蓋世威服諸夷卒之吐蕃作逆四鎮失守
西夷亦自此輕唐矣宋朝微弱封域以內且不能保
卽遠人有貪賄而來者曷足爲宋重也元雖列置郡
縣徒虛名爾惟我 皇朝文命誕敷西戎卽序日月
所入罔不率俾朝貢之國無慮百餘旣無設官立鎮
之勞又無興師遣使之費如祖法兒以下諸夷多有
自古未通者試與前代較德量力豈可同日語耶書

曰無有遠邇畢獻方物又曰不寶異物則遠人格其
殆今日之謂矣

咸賓錄西夷志卷之四

終